



## საქართველოს მთავრობის განკარგულება

№1581 2016 წლის 3 აგვისტო ქ. თბილისი.

ჩოხატაურის მუნიციპალიტეტის მიერ სახელმწიფო შესყიდვების  
გამარტივებული ელექტრონული ტენდერის მეშვეობით  
განხორციელების შესახებ

„სახელმწიფო შესყიდვების შესახებ“ საქართველოს კანონის 10<sup>1</sup> მუხლის 3<sup>1</sup> პუნქტის შესაბამისად, სახელმწიფოებრივი და საზოგადოებრივი მნიშვნელობის ღონისძიების შეზღუდულ ვადაში შეუფერხებლად ჩატარების მიზნით, მიეცეს უფლება ჩოხატაურის მუნიციპალიტეტს, „სტიქიის შედეგების სალიკვიდაციო ღონისძიებების განხორციელების თაობაზე“ საქართველოს მთავრობის 2016 წლის 18 ივლისის №1409 განკარგულებით გათვალისწინებული ღონისძიებების განსახორციელებლად საჭირო სამშენებლო სამუშაოების შესყიდვა, 725 560 (შვიდას ოცდახუთი ათას ხუთას სამოცი) ლარის ფარგლებში, განახორციელოს გამარტივებული ელექტრონული ტენდერის მეშვეობით ჩოხატაურის მუნიციპალიტეტში, კერძოდ:

ა) ადგილობრივი მნიშვნელობის საავტომობილო გზების რეაბილიტაციის სამუშაოებისთვის - 447 560 (ოთხას ორმოცდაშვიდი ათას ხუთას სამოცი) ლარი;

ბ) ხიდების რეაბილიტაციის სამუშაოებისთვის - 68 000 (სამოცდარვა ათასი) ლარი;

გ) მდინარე სუფსაზე ნაპირსამაგრი სამუშაოებისთვის - 150 000 (ას ორმოცდაათი ათასი) ლარი;

დ) ჩოხატაურის მუნიციპალიტეტის დაბა ჩოხატაურში მდებარე მ. გოგიბერიძის ქ. №1-ში სადრენაჟო სისტემის მოწყობის სამუშაოებისთვის - 60 000 (სამოცი ათასი) ლარი.

პრემიერ-მინისტრი



გიორგი კვიციანი